

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), člana 30. stav (1). i člana 37. Zakona o izvršavanju Budžeta Federacije Bosne i Hercegovine za 2021. godinu („Službene novine Federacije BiH“, broj 4/21), i Odluke Vlade Federacije BiH o usvajanju Programa utroška sredstava sa kriterijima raspodjele sredstava „Tekući transferi neprofitnim organizacijama - udruženja proistekla iz posljednjeg odbrambeno-oslobodilačkog/domovinskog rata“, utvrđenih Budžetom Federacije Bosne i Hercegovine za 2021. godinu, Federalnom ministarstvu za pitanja boraca i invalida odbrambeno-oslobodilačkog rata/Federalnom ministarstvu za pitanja branitelja i invalida („Službene novine Federacije BiH“, broj 31/21), federalni ministar za pitanja boraca i invalida odbrambeno-oslobodilačkog rata obavljuje:

JAVNI POZIV

za podnošenje zahtjeva za ostvarivanje prava na dodjelu sredstava Budžeta Federacije BiH za 2021. godinu iz oblasti boračko/braniteljsko-invalidske zaštite - Tekući transferi neprofitnim organizacijama – udruženja proistekla iz posljednjeg odbrambeno-oslobodilačkog/domovinskog rata” utvrđenog Budžetom Federacije Bosne i Hercegovine za 2021. godinu

I

Predmet Javnog poziva je sufinansiranje programa rada udruženja/saveza proisteklih iz posljednjeg odbrambeno-oslobodilačkog/domovinskog rata.

II

Pravo sudjelovanja na Javnom pozivu ostvaruju udruženja/savezi koji su registrovani za obavljanje djelatnosti (poslova) koje se odnose na branilačke populacije, a koji okupljaju najmanje 60% svojih članica registrovanih na nivou kantona sa istim baznim nazivom saveza uz dodatak naziva kantona u kojem su registrovani i registrovani su na federalnom nivou ili na nivou Bosne i Hercegovine, sa projektima usmjerenim na realizaciju ciljeva ovog programa.

Ciljevi programa su: potpora u realizaciji projekata od značaja za rad saveza, poboljšanje položaja članova saveza, poboljšanje ambijenta za život i rad branilačkih populacija, poboljšanje uslova efikasnijeg i uspješnijeg doškolovanja, edukacije, liječenja, rješavanja stambenog pitanja, pomoć u radu saveza, te zaštite branilačkih populacija po pitanju pravne i materijalne sigurnosti.

III

Pravo učešća po ovom Javnom pozivu nemaju podnosioci zahtjeva iz tačke II ovog Javnog poziva kojima su u prethodnoj budžetskoj godini odobrena sredstva za iste namjene, a nisu dostavili izvještaj o utrošku sredstava.

IV

Prijedlog raspodjele i isplate namjenskih sredstava iz tačke I ovog javnog poziva vršit će se u skladu sa kriterijima za raspodjelu, korištenje, kontrolu i izvještavanje o utrošku sredstava za "Tekući transfer neprofitnim organizacijama – udruženja proistekla iz posljednjeg odbrambeno-

oslobodilačkog/domovinskog rata", za 2021. godini koje donosi federalni ministar za pitanja boraca i invalida odbrambeno-oslobodilačkog rata (u daljem tekstu: federalni ministar).

V

Opći kriterij za odobravanje sredstava za sufinansiranje programa rada udruženja/saveza proisteklih iz posljednjeg odbrambeno-oslobodilačkog/domovinskog rata su:

- kvalitet i cilj programa,
- finansijski plan,
- visina učešća sopstvenih sredstava,
- povećanje zaposlenosti,
- broj članstva,
- originalnost projekta u smislu poboljšanja uslova života i rada braniteljskih populacija i
- očekivani učinak od značaja za Federaciju Bosne i Hercegovine i Bosnu i Hercegovinu kao državu.

VI

Sredstva po ovom transferu utvrđena su u ukupnom iznosu od 360.000,00 KM (tristotinešezdesethiljada KM).

Sredstva za sufinansiranje programa rada odobrat će se udruženjima/savezima proisteklim iz posljednjeg odbrambeno-oslobodilačkog/domovinskog rata iz tačke II Javnog poziva u iznosu od 280.000,00 KM (dvijestotineosamdesethiljada KM).

Navedeni iznos će se odobravati na osnovu planova/programa i to kvartalno u 2021. godini.

Razliku iznosa po ovom transferu, dio od 80.000,00 KM (osamdesethiljada KM), određuju se kao interventna sredstva koja će se koristiti kao potpora programima i projektima za hitne i nepredviđene slučajeve koji nisu obuhvaćeni javnim pozivom.

VII

Zahtjevi po Javnom pozivu za odabir programa/projekata iz oblasti boračko/braniteljsko-invalidske zaštite u 2021. godini, će se podnositi Ministarstvu u toku trajanja Javnog poziva, odnosno u trajanju **od 15 dana** od dana objavljivanja u dnevnim novinama, putem pošte ili lično u zatvorenim kovertama, na adresu:

**Federalno ministarstvo za pitanja boraca
i invalida odbrambeno-oslobodilačkog rata
ul. Hamdije Čemerlića br. 2.,
71000 Sarajevo
sa naznakom:**

„Javni poziv za ostvarivanje prava na dodjelu sredstava Budžeta Federacije BiH za 2021. godinu iz oblasti boračko/braniteljsko-invalidske zaštite - Tekući transferi neprofitnim organizacijama – udruženja proistekla iz posljednjeg odbrambeno-oslobodilačkog/domovinskog rata” utvrđenog Budžetom Federacije Bosne i Hercegovine za 2021. godinu“.

VIII

Aplikacioni formulari će biti objavljeni na WEB stranici Ministarstva (www.fmbi.gov.ba.), a moći će se preuzeti i u prostorijama Pisarnice Ministarstva.

Neblagovremeni i nepotpuni zahtjevi se neće uzimati u razmatranje.

Federalno ministarstvo nema obavezu vraćati predatu dokumentaciju aplikantima.

Uz zahtjeve je potrebno dostaviti sljedeću dokumentaciju:

1. Adekvatno popunjen i ovjeren aplikacioni formular;
2. Statut udruženja/saveza – ovjereni kopija;
3. Rješenje o registraciji udruženja/saveza – ovjereni kopija;
4. Rješenja o registraciji kantonalnih saveza – članica udruženja/saveza – kopija;
5. Uvjerenje o poreznoj registraciji udruženja/saveza (identifikacionom broju);
6. Uvjerenje nadležne ispostave Porezne uprave Federacije BiH da udruženje/savez nema dospjelih a neizmirenih obaveza po osnovu javnih prihoda, ne starije od 30 dana;
7. Kopija ugovora sa bankom ili potvrda od banke iz koje se vidi ko je vlasnik računa;
8. Detaljno opisan projekat ili program za koji se traži sufinansiranje sa finansijskim izračunom prihoda i rashoda;
9. Finansijski plan projekta ili programa za 2021. godinu sa izvorima prihoda i očekivanim rashodima, koji je usvojen od strane nadležnog organa na način kako je propisano Statutom;
10. Ovjereni izjava o visini učešća sopstvenih sredstava;
11. Potvrda o broju članova udruženja/saveza ili ovjereni kopija zadnje stranice registra članstva;
12. Izvještaj o rezultatima dosadašnjih realizovanih projekata i njihov značaj za članstvo u udruženju/savezu i značaj za daljnji rad;
13. Izvještaj o kontinuitetu započelih, a nezavršenih programa/projekata.

Po ovlaštenju Vlade Federacije BiH
POMOĆNIK MINISTRA

Mirza Terzo



Broj: 01-37/2-1376/21
Sarajevo, 23.04.2021.godine